

PROJECT OVERVIEW

United Nations Development Programme



Empowered lives.
Resilient nations.

Titulu Projeitu: Programa ba Sistema Justisa (PSJ)

Antesedente Projeitu:

Programa ba Sistema Justisa (PSJ) husi UNDP lansa iha tinan 2003 atu dezenvolve kapasidade institucional no rekursu-umanu iha Timor-Leste nia seitór justisa. Programa ida ne'e hanesan programa UNDP nian ne'ebé kle'ur-liu, fornese baze ba estabelesimentu institucional husi estado ne'ebé seidak eziste sistema judisiáriu doméstiku. PSJ daudauk iha ninia Fáze IV ('Konsolidasaun Estado de Direito no Pas liu-husi Sistema Justisa ne'ebé forte iha Timor-Leste, 2014-2018'). Daudauk, PSJ iha programa assisténsia ne'ebé ho alvu atu konsentra ba justisa no desenvolvimentu profisional legal sira.

Atividades Xave Projeitu:

Komesa tinan 2015, PSJ konsentra-liu iha area temátika prinsipal balun no konsentra mós ninia atividade atu alkansa objetivu no output ka rezultadu sira ho efikás-liu. Area konsentrasaun prinsipal mak: desenvolvimentu kapasidade instituisaun justisa no habelar asesu ba justisa ba ema vulneravel sira. Relasiona ho desenvolvimentu kapasidade instituisaun justisa, PSJ fornese-ona assisténsia tékniku no servisu asesoria liu-husi nomeasaun peritu no funsióariu sira iha Tribunal Rekursu, Prokuradoria Jerál Repúblika, Tribunal Distritu Dili no Baucau, Ministériu Justisa, Sentru Formasaun Jurídika no Judisiáriu no Defensoria Públíka. Ida ikus kona ba habelar asesu ba justisa mak liu-husi iniciativa tribunal móvel iha munisípiu sira ne'ebé tribunal fíksu seidak eziste ba no estabelesimentu Klínika Asesu ba Justisa (KAJ) iha Baucau no Suai, munisípiu judisiál ba pilotu.

Resultadu Atinjidu:

Impaktu xave husi PSJ nian mak dezenvolve-ona kapasidade umanu. Dezde estabelesimentu Sentru Formasaun Legal e Jurídiku iha 2003, númeru total iha 218 profisaun legal sira mak akreditadu no iha 53 formandu foun ne'ebé mak partisipa iha tinan-2017. PSJ hahú fila-fali ninia formasaun edukasaun legal ba autór judisiál sira iha 2017, hato'o tópiku hanesan justisa eleitoral no lei foun kona-ba rai nian. Assisténsia tékniku ne'ebé fó ba instituisaun justisa liu-husi nomeasaun asesór internasionál sira. Fó apoiu krítiku ba pozisaun governu nian ho funsióariu nasional ne'ebé iha kompeténsia/ kualifikadu hodi ajuda aumenta nasionalizasaun husi lideransa sira iha Tribunal Rekursus, Tribunal Distrital no Ministériu Justisa.

Dezde tinan-2010, iniciativa tribunal movel lori-ona justisa besik ba comunidade lokal sira liu-husi audiénsia julgamentu iha munisípiu 9 ne'ebé seidak eziste tribunal fíksu ba. Iha tinan 2017, kuaze 20% husi kazu sira mak rezolvidu iha tribunal distrital fora husi tribunal movel, envolve maizomenus benefisiáriu 971. 51% kazu krime rezolve iha tribunal movel mak violénsia bazeia ba jéneru. Ajénsia

asisténsia legal estadu nian iha Defensoria Pública (Klínika Asesu ba Justisa) haree-liu bá Rezolusaun Disputa Alternativu (liu-liu mediasaun) no efetivamente kria koneksaun entre sistema justisa formal no tradisional. Iha Setembru 2017, ema hamutuk 171 husi Distritu Judisiál Baucau no Suai mak hetan asesu ba servisu mediasaun ne'ebé fornese husi Klínika Asesu ba Justisa.